



SAKSFRAMLEGG

Sakshandsamar: Jan Erik Boge	Arkivkode: FE-010
Arkivsaksnr: 22/73	Løpenr: 23/8916
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	12.09.2023	018/2023

Kommunestyre- og fylkestingsvalet 2023 – godkjenning av valstyret si møtebok

12.09.2023 Valstyret:

Handsaming i møtet:

Representantane frå administrasjonen orienterte om oppteljinga av seint innkomne førehandsrøyster og dei 20 ordinære førehandsrøystene i konvolutt som vart lagt til sides på valdagen 11.09.2023.

Marianne Soleng gjekk etter dette først gjennom valstyret sin valprotokoll for kommunestyrevalet 2023. Valprotokollen vart samrøystes godkjent av valstyret. Valprotokollen vart òg underskriven av valstyremedlemmene. Valprotokollen ligg som vedlegg til møteprotokollen for valstyret 12.09.2023.

Marianne Soleng gjekk så gjennom valstyret sin valprotokoll for fylkestingsvalet 2023. Valprotokollen vart samrøystes godkjent av valstyret. Valprotokollen vart òg underskriven av valstyremedlemmene. Valprotokollen ligg som vedlegg til møteprotokollen for valstyret 12.09.2023.

*(I rådmannen sitt framlegg til vedtak i saka er omgrepet **møtebok** brukt, medan det er omgrepet **valprotokoll** som blir brukt i valadministrasjonssystemet EVA. På bakgrunn av at det er valprotokoll som blir brukt i EVA, vil det òg vera mest korrekt å bruka omgrepet valprotokoll i vedtaket i denne saka. I tillegg bør det gå fram av vedtaket at det er separate valprotokollar for høvesvis kommunestyrevalet og fylkestingsvalet)*

VAL- 018/2023 Vedtak:

Valstyret sin valprotokoll for kommunestyrevalet 2023 og valprotokoll for fylkestingsvalet 2023 blir godkjent.

Rådmannen sitt framlegg til vedtak:

Valstyret si møtebok for kommunestyre- og fylkestingsvalet 2023 blir godkjent.

Dokument som ikkje er vedlagt:

- Vallova
(<https://lovdata.no/lov/2002-06-28-57>)
- Valforskrifta
(<https://lovdata.no/dokument/SF/forskrift/2003-01-02-5>)
- Informasjon om valstyret si møtebok
(<https://valgmedarbeiderportalen.valg.no/artikler/valgstyrets-motebok/>)

Oppsummering:

Det skal skrivast møtebok for valstyret i Samnanger kommune for kommunestyre- og fylkestingsvalet 2023. Møteboka skal godkjennast av valstyret og underskrivast av alle som møter i valstyret. Underskriven møtebok skal leverast til fylkesvalstyret onsdag 13.09.2023 kl. 13:40, i Bergen.

Saksopplysningar:

Bakgrunn for saka:

I samband med gjennomføring av stortings-, fylkestings- og kommunestyreval skal det utarbeidast møtebøker for både røystestyra og valstyret i kommunane. Møtebøkene inneheld dokumentasjon på det som har gått føre seg samband med gjennomføringa av valet. Valstyret si møtebok er òg grunnlag for den kontrollen fylkevalstyret er ansvarleg for ved stortings- og fylkestingsval.

Fakta grunnlag, problemskildring og moglege løysingar:

Valstyret si møtebok inneheld fire kapittel:

- Administrative forhold
- Førebels oppteljing av førehandsrøyster
- Førebels oppteljing av valtingsrøyster
- Endeleg oppteljing

Møteboka blir generert (produsert) i det elektroniske valadministrasjonssystemet EVA, på grunnlag av informasjonen som kommunen legg inn der i samband med valet. Møteboka kan ikkje genererast før all nødvendig informasjon er lagt inn i EVA etter at røystesetlane er opptalde. Møteboka skal godkjennast av valstyret og underskrivast (med fysisk underskrift) av alle som møter i valstyret.

Valstyret si møtebok kan ikkje godkjennast før fristen for mottak av seint innkomne førehandsrøyster har gått ut. Denne fristen er kl. 17:00 dagen etter valdagen. Dette betyr at fristen i år er kl. 17:00 tysdag 12.09.2023. Jf. reglar i [vallova § 10-1 tredje ledd](#).

Den godkjende møteboka skal følgja røystesetlane for fylkestingsvalet når desse blir leverte til fylkesvalstyret (fylkeskommunen). Administrasjonen har no fått informasjon frå fylkeskommunen om at denne leveringa skal skje onsdag 13.09.2023 kl. 13:40, i Bergen. Valstyret si møtebok må difor godkjennast og underskrivast før dette.

Når møteboka er underskriven av valstyret, vil ho òg bli skanna og arkivert i kommunen sitt elektroniske arkiv og lasta opp på www.valg.no.

Uttalar frå andre:

Det er ikkje henta inn uttalar frå andre i arbeidet med denne saka.

Vurderingar og konsekvensar:

Møtet der valstyret skal godkjenna møteboka, er i den opprinnelege møteplanen sett opp onsdag 13.09.2023 kl. 16:00. Møtedatoen må som følgje av innleveringa til fylkesvalstyret onsdag 13.09.2023 flyttast fram ein dag, til tysdag 12.09.2023. Møtestart blir kl. 19:00. Administrasjonen vil då ha nødvendig tid til å registra eventuelle seint innkomne førehandsrøyster inn i

valadministrasjonssystemet EVA før møtet i valstyret startar. Valstyret si møtebok vil, ved å ha møtet 12.09.2023, òg bli godkjent og underskriven tidsnok til å få levert ho til fylkesvalstyret onsdag 13.09.2023.

Forslag til møtebok for vil bli lagt fram (presentert) for valstyret i møtet 12.09.2023.